

四庫全書

集部

欽定四庫全書

皇清文頴卷九十四

詩

五言排律

乾隆三年

聖主躬耕藉田恭紀

敷文

聖主勤民切

躬耕典禮優神倉占沃壤

御耕畝

皇州吉亥千官集  
元辰百度脩既郊  
除近甸于耜遍遐  
陬

華蹕祥光繞

方壇淑氣浮  
明農隆祀典  
敦本裕深謀  
曉發驂青輅  
晨興駕玉蚪  
晉夫陳播植  
太史備諮諏  
時雨霑

仙仗油雲擁

翠旂東廛行

駐輦南畝佇停騶種稂繁多種耰鋤遍列侯霞旌明繡  
野芝蓋覆營疇京兆紛趨事司空早預籌三農齊拱手  
千耦盡凝眸隴畔馴蔥蒨林間喚乳鳩紺轅行復止縹  
輶去還留膏澤連宵沛甘泉匝地流三推瞻祇敬一墾  
見勤求農正祈多獲天官祝有秋染盛知必飭醴酪咏  
思柔大武陳天上思文頌道周省風胥協吉勞酒互相  
酬發趾青旂展回

鑾翠幕稠小臣叨侍從賡拜荅宏庥

聖主躬耕藉田恭紀有序

孫灝

臣聞帝廷敷治垂六府以厚生王政勤民重三農而頒職春居左个千畝之甸斯開地稅南郊三推之儀肇舉姬周則禮隆躬秉炎漢則詔下親耕洪縻頌太始之年清畊炳永明之策莫不命陽官而戒典按春扈以諏辰代著鴻章事昭往牒欽惟

皇上

日麗堯衢

風熏虞陞

湛恩汪濊本人情以為田

至治馨香用民和而降福乃

紹基之三載將展事於

六飛寅賓當義仲之春舉趾屆豳風之日青壇大啟晦

畫東南縹輓初廻推分五九時則至誠默運裡祀

潛孚昭大順於陰陽協休徵於感召芳騰習習輕

吹應律之風綺陌芊芊潤灑知時之雨敞四塗而

引矚遠翠俱流遯

五輅以停輪纖塵不動萬絲斜點杏花偕菖葉分妍千  
耦勻沾青笠與綠蓑交映載芟載柞周知稼穡之  
艱難于豆于登早卜稔盛之豐潔臣質均糠粃學  
愧菑畬欣逢

親載之虔衷思紀勸農之

令典涓埃微細難形山海之崇深雲日瞻依莫罄乾坤  
之繪畫庶同歌於擊壤擬效祝於呼嵩肅獻葵誠

懽聯雀舞詩曰

堯朔當平秩周郊撫載陽春深資木德星正協農祥  
帝耜開畿甸

親耕莅廣場元辰先事擇吉亥上儀詳知稼陳無逸求  
衣問未央嗟我

丹闕曉縹緲瑞烟翔緩聽虬鐘啟勻排羽仗長芳原  
華輦駐沙路錦帷張

袞冕山龍燦旌旂日光



齊壇臨穆穆雅奏韻鏘鏘修祀蕭茅潔歌豐灌獻莊陌  
阡紆黛耜種稜疊青箱一撥咨成式三推過昔王公卿  
緣序徧亞旅沐榮褱遠目崇臺迥休徵庶彙昌重巒蒸  
霖霖甘澍灑蒼茫點散農人笠絲飄飴婦筐乍驚榆莢  
雨徐看稻苗香潤喜沾犁足濃逾浥露灑至誠昭默感  
上歲卜神倉致孝染盛告登新黍麥嘗翠畦珠作穗沃  
壤繡連疆力本邦基厚勤民

聖澤彰嵩呼交四野虎拜肅千行慶洽邀

清蹕

恩覃考舊章

綸言宣勞酒

黼座仰垂裳  
玉食膺諸福  
金甌鞏萬方  
儉惟師大禹  
仁已頌陶唐  
歲事隆文脩  
班朝

鉅典臧小臣  
慙珥筆紀盛  
附賡颺

聖主躬耕藉  
田恭紀

郭肇鐱

淑氣彌芳甸  
皇州轉化鈞  
農祥闕

睿慮

帝藉荷躬親享醴齋宮誌明禋祝史申祈年先覲土卜  
日得元辰七校雲麾隸千門榆火新青箱儲玉粒翠葆  
度香闥地敞宜晴旭風和靜麴塵龍旗看淠淠虎旅正  
駢駢綺陌花迎幕平原草似茵預占嘉禮洽行識化工  
春繚繚仙班集森森稼器陳町畦紆若繡原隰次如鱗  
一塹紺轅舉三推縹輓馴腴田膏欲發香稻布來勻率  
作先卿士陳修逮庶人扶犁耕澤澤喜雨旬昀允矣

農夫慶俞哉

聖意純迎

鑾簫鼓合勞酒象尊巡盛典從今肅隆儀奕代振謳吟  
來父老鼓舞遍臣鄰瑞靄依

黃幄祥光護

紫宸八垠胥擊壤七月待吹豳享

帝神倉富勤民

御廩均作詩歌有歲長此荷

皇仁

乾隆三年

聖主臨雍禮成恭紀

劉藻

聖世文明啟敷天教澤宣虞廷垂舊典關里溯薪傳觀  
化人文盛當陽雨露便三雍欽矩矱萬國荷陶甄仰止  
心彌切崇儒道必先丹青新結構金碧映堂堦殿廡眾  
愚麗宮牆棟宇連赤螭分糾結青鳳鬱聯翩瓦燦黃雲  
色池流翠藻鮮松筠含古澤絲竹發真詮仰見

乾衷惕頻聞

巽命專先期嚴飭備屆日事明燭旭景浮金闕晴光起  
玉泉爐香仙仗外扇影

禁城邊上巳良辰近三春淑氣妍穠花輕著雨細柳淡  
籠烟燕剪當風掠鶯梭拂露穿戒塗森羽衛在

廟列宮懸執鬯

皇情肅凝旒

睿志虔馨香流碧荇疏越發朱絃分奠公卿速趨陪駕

鷺聯觀

光州十二習禮衆三千祭酒橫經地論鐘造士年朱衣  
開絳帳紫幄對青編顧問

龍顏喜颺言虎拜拳欽明稽古帝性道紹前賢大義昭  
如日神機啟自

天

恩波方浩爾治象益巍然一德明良會三階福履駢聞  
風思鼓舞名藝就雕鐫典制垂千載車書被八埏小臣

叨侍從擬上辟雍篇

聖主臨雍禮成恭紀

何其睿

運際文明會人游教育中心傳懸日月思服遍西東華  
宇榮光被熙臺淑氣冲花環青瑣外榮釋

素王宮伊昔園觀盛於今念典隆芝蘭春馥馥棧樸雨  
芄芃造士

恩誠溥尊

師禮更崇肅將先日致顒若至誠通入廟翔



仙仗乘橋躡彩虹  
喬皇昭氣象  
綺麗照玲瓏  
璧水新漪  
淨槐街宿霧  
空香雲承露  
湛文杏倚雲紅  
喜聽鸞聲噉  
旋聞鼉鼓逢  
輦飛黃瓦煥  
鼎設紫烟籠  
百爾趨蹌謹  
諸生磬折同  
升堂書授簡  
登席珮鳴璫  
事以敷陳切  
幾由講析融  
危微徵懋學  
位育著純功  
大道承悠久  
精言契折衷  
乾坤標六籍  
今古振羣蒙  
翰海沿江漢  
文山仰岱嵩  
式瞻心不二  
移易道為公  
鳳德輝千仞

龍飛動八風  
小臣慙吉甫  
獻頌達

宸聰

聖主臨雍禮成恭紀

王會汾

接統千齡合雖宮萬化先神扶文思運德邁永平  
乙夜探瑤牒鴻都燦玉編會應興禮讓更用表陶甄  
雲擁金根麗天迴辟水圓翠陰槐市近茜綬竊紋  
聯俎豆森成列鐘匏儼在懸儒臣同拜手髦彥亦  
隨肩振振靈鼉響愔愔玉琯傳告虔行釋菜

命講即開筵章甫人三代淹中士八千材官都挾策侍

予解紉箋景曜高辰動洪源百谷連霑濡遍榛楛鼓舞  
及魚鳶舊憲留惇史精心啟道詮永惟鄒魯業直纂如  
姚篇絕學今方懋從風物自遷絃歌聲匝地杞梓蔭垂  
天曉日橋門路非烟

紫蓋邊於論爭獻頌周雅並昭宣

乾隆四年

聖駕南苑大閱恭紀

張廷玉

聖世文明煥清時武略全習勤非校戰崇典為承

先古禮中冬閱前期大號傳

九重方念雪六出已盈阡惠澤膏農畝光風霽野唳鳴  
鉦齊部曲列幕按星躔旆展雲隨散旌颺日正懸金輿  
瞻泣止貝冑各森然瑞靄凝芳苑明霞耀錦韉百靈隨  
寶騎八校捧瑤鞭

御箭星穿葉雕弓月滿弦歡聲呼

萬歲講事重三田虎旅神皆竦鷹揚奮欲前登臺旗肅  
肅引隊鼓淵淵浴鐵光繚繞雷響接連軍容觀整暇

陣勢布方圓但使嫵魚復何須折獸骭喜融春似海暄  
覺日如年誰道三冬景都成二月妍

回鑒仙仗迥挾纁羽林旋衆志和而樂

皇心靜且專敬邀

天

祖貺益展廟壇虔

仁孝開千禩

恩威徧八埏經綸敷盛化贊畫愧前賢敢侈長楊賦欣

賡甫草篇大成君子德寧僅邁周宣

聖駕南苑大閱恭紀

鄂爾泰

方夏敷文會中冬教閱期

璇宮親考典萊野肅乘時吉戊諏三日先庚飭六師沙  
龍承

御輦翠鳳引

鑾駟列仗勾陳轉籠霄寶蓋移鈺輦轟順動校萃燦紛  
綏颺靜鳴鏡振霜清畫角知貝裝旌析羽玉埒戟交枝

映水吳鉤淬搗霞楚練垂射堦圍暈的犀革貢黃支都尉身輕鳥材官笑却羆縱橫分雁翼偏伍合魚麗地奮雷霆軸天曛日月旗碧紛翻獵獵金鎖爛披披爪士嫻鈴略

神謨妙握竒何須誇駿足真欲陋昆池辨曉沈雲豁彌原霽雪遲

嚴尊增豫悅韎韐緩驅馳次舍躔中道周巡挈四維烟高臨早畢露散走南箕挾纊成暄景推心洽

睿慈聞聲思宿將  
繩武溯前基  
往者經綸始  
猗歟帷幄  
規傳炊魯露沐  
掞甲亦風纚  
一自收羣策  
無煩折尺箠  
百年深濯浴  
萬國久恬熙  
斥堠埋烽燧  
期門卧虎貔  
影纓仍齒冑  
講藝及牙裨  
兆是觀成賁  
占當繼照離

德威原廣運

法駕儼隆儀  
返旆歡聲沸  
韜戈闔澤施  
上樞陪祕鉞  
令史飾華羈

行殿瞻雲近  
濡郊湛露滋  
精神喬嶽聳  
氣象瀆川麾  
鼓



潤皆鴻造弛張豈異宜一陽初屆候萬彙已和吹羽舞  
懷虞贊車攻譜籥詩情田培脉厚禮囿澹神怡鐵甲皆  
農具笙鏞典樂司八荒昭

聖武端拱受重釐

聖駕南苑大閱恭紀

王安國

帝德兼文武軍容邁漢唐仲冬修狩禮大閱簡戎行鳳  
闌排仙仗

鸞輿出建章雷霆開道路日月動旂常雪映郊原秀川

環辟壘長和門收積霰幕伍麗晴暘列隊魚鱗集周廬  
雁翅翔翹材歡踴躍宛馬飽騰驤征伐惟

天子神威仰

聖王赭袍雲爛縵金甲鎖輝煌九節詩篇奏三侯畫的  
張琬弓雄貫革羽箭直穿楊衛士鳴鼙鼓圉人駕驕驪  
坐懸蔥玉轡

御鞞紫絲韉

躬覽師徒健

巡行器械良五兵咸整飭七萃總軒昂部曲分牙帳馳  
驅復上襄酋矛伸竊膝寶劒帶干將勁挽千鈞弩堅持  
百鍊鋼招搖朱雀幟鈇利綠沈槍叱撥追風雨兜鍪耀  
雪霜八門旗正正萬騎陣堂堂步伐嫻規矩奔趨類頡  
頏交綏成犄角接勒試鋒芒越石身材捷超車旅力剛  
呼聲濤沸海礮燄火焚岡將帥饒謀略貔貅競武揚指  
麾身使臂統領網從網少長登高辨偏縫按次詳膽由  
忠作胄心以智為囊猛銳前無敵縱橫勢莫當匪惟強

本幹實可鎮邊防  
甫草攻車地長楊  
校獵場驛騶齊蹕  
躩鷹隼驟飛颺  
纘

祖昭

英烈承

宗覲

耿光方行齊禹跡  
哀對識周疆  
蒐狩詳司馬  
師田自古  
皇玉璜傳渭水  
石鼓勒岐陽

國是勤

宵旰兵機握

廟廊屏藩環北極畿甸制中央六合烽烟靜

三朝軌物彰采薇宣偉績天保佐

垂裳

元首先羣策聲靈震四方

一人親聞幄萬載固金湯

聖駕南苑大閱恭紀

雙慶

地接神皋重時逢歲務閒有年豐已兆冬狩

令初頒舊制遵

文囿前驅肅禁闌霓旌飄析羽

鸞輅振游環雲集森嚴簿星聯扈從班晴郊開禹甸別  
苑渺瀛寰徑轉臨丹阜橋橫跨碧灣出林臺萃列遶郭  
水洄環

帝則崇無逸

宸遊念克艱陳師營樞極講武闢榛菅虎拜來都閭龍  
驤列上閑戈鋌明若雪壁壘峻如山畫鼓霆轟激琯弓

月抱彎合圍皆掇甲角技悉翹闕霜潔雕翎影塵清豹  
尾斑千廬巡衛密八校止齊嫺翕赫昭軍實從容悅  
聖顏詰戎咸震疊耀德孰追攀

命賞嵩呼會承

恩歌吹間太平惟載筆恭紀頌聲還

聖駕南苑大閱恭紀

張鵬翀

天衢龍在御靈囿鳳高翔圍合乾坤大兵銷日月光順  
時循獮狩

命駕控驪黃雪映金支麗花迎玉輅香明裡中肅穆曉  
景逗清涼貌虎森周旅龜鼉靜禹梁三驅非尚武九譯  
自來王類禡依風雅畋虞法聖皇網開施澤遠獵卜得  
賢昌藉以綏黎赤因茲答

昊蒼綢繆真有具險阻願無忘乾豆承千祀威弧靖八  
荒黃圖增赫奕翠氣滿悠颺備豫人蒙福時和

帝降祥珠囊昭順則玉燭兆靈長燕坐鷹臺上軍聲樂  
愷康



威鳳岐陽集神鷹夢澤翔中冬行狩獵南苑歛輝光海  
子凝澄碧都人候赭黃弓刀方欲奮翰墨早流香續挾  
如回煖冰纏未覺涼平沙連翠幕積水度紅梁七萃雄  
多士三田邁古王隊分旗繹絡環合陣堂皇效獲

天顏喜求寧

帝業昌垂精思漠漠降鑒色蒼蒼磐石安彌永苞桑備  
弗忘膺期鍾下武控馭極遐荒弭節旌杠卷迎鑾鏡吹  
颺元符端獻瑞雲物復呈祥燕賜

恩胥洽賡歌韻更長

聖心宵旰切申命勅幾康

聖駕南苑大閱恭紀

劉綸

鑾輅勤時閱鯨鐘動曉晴三驅來

鳳苑七萃繞

龍城塗是鐵阿啟塵從屏翳清熊羆森入隊鶩鶴互連  
營衛列鈎陳象軍分太乙名

崇臺捫尺五大纛繪重明披練雪初霽鸞孤月始生

天容方粹穆士奮尚縱橫百萬胸羅壯三千膽鍊精登  
麾雙戟闔蹴部一騶鳴擬罷金音肅桴餘鼓氣盈因茲  
占

廟勝且以叶師貞聿自星杓轉行看日御迎諏辰當出  
甲夙事已先庚

駐蹕搞

宸藻賡歌洽

睿情從禽今有戒率狩古攸行奕奕恢文囿輝輝建德

旌九賓陳貝賁六幕靜橈槍鞠旅徵司馬

頒緡詔水衡行間真挾纊農隙好稱觥信矣師無戰休  
哉御不驚舞干仍在陞獵鼓亦充楹甫草稽周甸長楊  
軼漢京小臣隨載筆永紀

泰階平

聖駕南苑大閱恭紀

何其睿

萬乘臨畿甸三驅率典常代當文教洽禮載武功揚廣  
漠風行肅中冬月令詳五音諧羽奏六琯紀雲翔平樂

開

南苑華林闢廣場陳師時應律別殫位因方日炫蒼虬  
動霜清翠鳳颺珣弓披月影寶鉞映星芒雁翼營連壘  
鵬盤技截楊騰驤看正合變化識奇藏法從威儀盛元  
戎節制強敦詩賡雅什束帛拜瑤筐海宇欣無外

齋宮念不忘詰戎恢禹跡立政發姬祥勝算收羣力承  
謨覲耿光總干原大定輯瑞各來王縹緲天花璨網緼  
御藻香仰惟徵不息猶自戒無荒兢業歸

神武修和在

廟堂柔能懷遠邇長與奉

垂裳

聖駕南苑大閱恭紀

吳嗣富

芳甸南原敞

熙朝武備詳三餘農事暇九伐

國威彰物候方含肅天時乍轉陽龍旂飄細柳鷹輅駐  
長楊星列營初合雲屯幕徧張萬靈齊擁護百辟總趨

踰晴麗旌旗色寒生組練光音從清角遠聲續鼓鼙長  
山嶽遙相峙風雷迅莫當轉移俱應律坐作儼分行結  
陣成茶火揚矛耀雪霜虎牙依北極豹尾鎮中央節制  
嚴三表威儀整八方撫循如挾纊恩誼比同裳珍膳官  
厨供金錢內府藏匪頒周遠邇拜荷異尋常競捧朱提  
貴同沾綠醕香載言多侍從簪筆附賡颺欲識  
天顏喜還看士氣揚武功知備豫文治樂平康

聖駕東巡

盛京恭謁

祖陵大禮慶成詩

葉酉

橐籥三辰正車書四海澄發祥知有自積慶豈無憑忠  
厚垂光遠艱難創業弘垣墉豐邑作弓劍鼎湖升卽室  
瓜綿瓞橋山樹繞藤奇氛連太乙彩霧耀

諸陵

往聖珍符啟

今皇寶籙膺遂蠲庚午吉爰卜戊辰烝報本情偏切巡



方禮足徵

仗移星北拱

輦動震東來日閃干旌曳雷轉萬騎較名王効琛賁屬  
國競鞬滕七校軍聲壯三驅士氣騰蹄輕五花馬眼疾  
九秋鷹兔起弦開月狐驚箭釋棚戈矛森獻伎盧鵲各  
呈能甫草差堪擬長楊詎足矜戎兵真克詰堂構看不  
承不用云亭禪何煩泰華登渾河波滉漾鍊嶺勢峻嶒

正位

元宮閔崇岡

禁籞層守祧嚴象設駐

蹕擁觚棱登降百靈衛幽明一氣凝精誠通冥漠水木  
仰

高魯盼蠻卮盈酒馨香鼎實胾或燔黍或炙于豆復于  
登肅肅金鏞奏鏘鏘玉瑟絃

宸容欽監薦

睿慮凜冰兢禮樂明還備天人感必應豐穰康屢降保

定穀駢增率土謳吟遍當年締造稱徇齊生不世盪滌  
力能勝旄鉞乘時奮乾坤一怒馮詩歌皇矣赫史紀勃  
焉興繼體傳恭儉蜚聲播簡繒架懸聽政鼓帷集上書  
騰稼穡終須念觀游夙所懲勲華隆作述謨烈裕雲仍  
幸荷孫謀永欣將

祖武繩洪惟

陛下聖日月共升恒

聖駕東巡

盛京恭謁

祖陵大禮慶成詩

胡寶琮

展謁心繩

祖精裡孝格

天殷祥從啟後周祚溯開先寶命三才合瓊源一氣連  
辨方符出震配極協基乾式廓由仁累維新在德延流  
虹將毓

聖長白預徵

仙武履吞朱果星臨貫紫躔篤生風表異乘運日華懸  
丕構初桓撥羣雄盡伏跽十三推勁甲百萬却飛鋌拓  
土聲威壯瞻原本實堅舟瑤勤相度襟帶勢洄沿再卜  
今遼瀋千秋古澗渥

宣聰能纘緒

列聖念稽田大統兼孟夏神都乃定燕經營光宙合撫  
御跨嵩瀆久道甌長固重熙戟改煎我

皇懷肇迹繼志重仔肩松柏瞻依切羹牆對越專先期

詢

帝典諏日應虞璿

清廟申虔告隆儀考實詮爰移雉尾扇遠颺魚鬚旃奉  
侍

慈寧慶馳行福履駢霽雲隨羽葆香霽護珠輶雨霽塵  
氛淨風和景物妍潔齊心翼翼定省意轉轉北口千盤  
拱南天一線緣嚴闕通虎氣高塞靖狼烟

行殿依層障

離宮仰舊椽憑軒

先澤迫洙翰

睿情牽不為巡遊至非因逸興遙覲揚時惕若陟降每  
兢兢大猶徵徒盛脩戎振旅闐雙鞬攢韎韐萬騎接連  
錢陣整花團槊場寬柳拂鶻秦成爭執戟許少逞銜弦  
絡野馳偏挺罌山逐更翺將藏仍觸蹶欲縱又聯猿扼  
猛僵生兕追奔挫巨獍青骹騰白鵲素練搜蒼鷁自覺  
皆闕輻何魯待步銷疊雙穿繡羽羣友散腥涎月滿乘

飛接星流帶走塞共驚

天智勇齊慶日充填甫草詩徒侈長楊賦苦研何如勤  
講武不比樂遊畋

祖制宜常守遺風莫暫捐諸蕃羣引領候

駕幾回儻永念懷柔德均歸統馭權壺漿看簇簇芻糗  
効惓惓厥角還輸馬雕題亦獻斨晨車循水曲夜帳結  
山巔咸戴

天家澤俱稱衆部賢名王邀眷遇國戚重姻聯鰈鰈同



胞與梯航總幅幘昔無私覆載今豈薄虛屨盡在生成  
內寧令雨露偏凡茲皆

世德長以固雄邊聲教訖如此

恩威詎偶焉

御題標勝地

睿藻賁懸泉雷若山陽殷蚪疑水窟眠巖腰梳靉隼石  
齒瀘潺湲喜氣勻寒燠時光賴節宣草青秋露潤林絢  
晚霞褰

輦路依原隰沙程讓陌阡天和駢玉穗歲稔穫霜私處  
處吹豳樂家家鼓腹便昇平思

締造恬養本鈞甄到此皆疆理行來異毳毼塞門隨擊  
轂遼水復牽船

櫛沐間堯腊風塵記禹胼遙睇形駸駸顯企氣蜿蜒景  
彼松楸茂從茲瓜瓞綿千峯朝

啟運

四祖慶光前肸蠁陳登豆翹襟潔几筵先河尊自出卜

洛湖營遷峻業垂無極鴻基永不騫轟如雲鬱翁巨若  
霓連蜷既仰龍東護還欽鳳北翩金銀隆地軸星宿耀  
河壖

文祖方昭格

神宗復吉蠲

栢城藏劒舄

琳殿奉杯棬書謂材宜獲詩聞桷有桯瑤光騰鈎砌瑞  
色擁珠櫨鼇戴三山柱螭盤四寶磚祠官嚴辨省宗伯

戒愉緹執事駕鸞肅陳牲繭栗卷觀孚咸有秩萃假洵  
無愆

履位昭中正凝神表滌湔

洪歆誠已達介福德加虔儉愾通心結形聲冥意筌燭  
腎蕭耀耀灌鬱毫涓涓禮畢華芝動風行翠罕旋餘香  
烟冪歷夾道樹蔥芊雉堞分樓櫓蜂房富市廛莊馗平  
似砥列隧密於緦

象關規模舊

臯門體制全即看霞繚繞並映日炎燁圭地黃輿正儀  
天紫蓋圓一尊聯海甸萬類統垓垓舜簋惟和土堯題  
喜不枿衣裳猶什襲圖訓尚連編示儉捐紈綺垂型却  
玉碩依依欽

手澤

聖聖共心傳閭闔迎晨啟旌旗拂曙鮮早朝銀箭仗待  
漏赤墀鞭忤舞聞宣

詔嵩呼敬上箋維城鏘劒珮列陞肅貂蟬

錫類蠲千庾流

恩注百川絹頒

仁共煦竿植過容俊粉社均霑被雲臺最繫轡厥初爭  
附鳳應運翊鳴鳶銘鼎推同體援旂念控咽三勲親奠  
竿諸佐使加籩鎮岳橫青壁靈源匯碧漣惟神將辟帛  
承

命薦牲牲廼令熊羆會旋觀組練挺軍容齊邳偁武節  
集鮮扁後距成山立前茅擬水漈電馳戈閃閃雷動鼓

蕭蕭莫訝輶能挾，兼誇札盡穿。  
鸛鷺風欲卷，茶火錦初纏。  
慶勞饒聲奏，呼騰凱唱還。  
於焉開大酺，是用宴華顛。  
豐沛興歌日，邠岐望幸年。  
駢羅肴盡薦，照耀燭皆蓮。  
眷顧容酬酢，言情任笑嗎。  
後人猶食舊

先志並垂憐，所遇咸欣躍。  
無誰更結帟，餐和春以姬。  
交讓性寧顓，耕鑿安淳樸。  
漸摩異巧儼，培深徵皞皞。  
化洽近蹢蹢，但覺心恒習。  
都緣日久孺，深叢繁果實。  
沃壤秀禾莠，蘇子靈槎接。  
松花寶石澱，三楹珍玉茁。  
萬顆璨珠

蟻是水成甘醴其材悉杞榎射熊馳躡影釀鹿護長鬢  
肪截擣冠雉銀翻縮項鰯土饒嘉產錯人厚古風扇自  
昔能時保奚煩慮月朧無名誠蕩蕩有道信平平逖聽  
常翹首騰歡幾曲拳

文濤涵渤澥

筆露漬蘭荃賦就瞻

義畫歌成叶舜絃惟馨光典冊至治握樞鍵用述

前謨大蕪窺



聖德淵盤杅期日倣金鑑願心鐫紹衣符三五綿長紀  
萬千

回鑾咸有慶敬獻上

陵篇



皇清文頴卷九十四

欽定四庫全書

集部

皇清文頴卷九十五  
六

詳校官檢討臣朱依昊

主事銜臣徐以坤覆勘

覆校官中書臣田尹衡

校對官中書臣王鍾泰

謄錄監生臣周元濬

欽定四庫全書

皇清文頴卷九十五

詩

七言排律

讀性理有感

理密親王允初

自啟苞符河洛川日星垂曜麗中天溯從洙泗源流遠  
遙接濂閩統系傳新盡一燈時可續月隨萬派總成圓  
盛朝道法宗前聖正學昌明炳昔年經訓舊畬勤

講殿儒宗闡繹表遺編潛心擬向針芒析觀理還期間  
奧穿桂苑涼生風拂座蘭堂畫靜影移磚寸蠡響滴銅  
壺點睡鴨香飄寶鼎烟棐几每陳緗帙滿牙籤徐展縹  
囊鮮存誠爰識乾坤始立極能開象數先直取圖疇包  
二五俄看禮樂備三千功兼敬義須交勗候別知行貴  
不偏銘列東西皆要旨篇分內外悉真詮偉哉橐籥含  
元化宛爾羹牆對昔賢盥手丹鉛恒矻矻服膺指趣特  
拳拳浮華漸覺卮詞淺窅突憑將勝諦研細味如抽絲

繭緒旁搜似燭並珠淵  
玉盤綴露晨常浥蓮炬  
騰輝晚更然輦悅宣云  
資誦說鑽摩庶用弼仔  
肩就將夙夜求無忝探  
蹟鈎深尚勉旃

御苑恭賦

慎郡王允禧

蓬萊別館鬱蒼蒼  
簾幙薰風日正長  
自有清機生水苑  
更無煩暑到山莊  
憲前密竹添晴翠  
池面新荷度遠香  
落落星巖飛瀑布  
陰陰

輦路夾垂楊  
銜恩好鳥迎

仙仗戲藻文魚近彩航嵐氣祇疑臨戶牖苔花似欲染  
衣裳平臺雨過同秋爽高閣雲歸起夕涼最是

萬幾方暇晷援琴早識兆民康

奉

命統師北路示諸幕僚

平郡王福彭

萬里專征著戰袍微材私愧

特恩邀親承

睿算辭丹禁獨領王師出絳霄熙代武功垂遠略潢池

小醜弄天驕旌麾耀日龍鱗動翡翠凌雲豹尾飄虎旅  
三驅連鐵騎熊羆千合接銀鑣

廟謨久已膺戎狄文德今將格有苗作頌情欽周吉甫  
收邊事異霍嫖姚令嚴笳鼓威儀肅營列旂常部伍招  
精銳六軍功易建往還萬里路非遙

至仁者定知無敵好畫凌烟答

聖朝

南苑大閱恭紀

張英

翠輦乘時駐翠微六軍講武近南畿禮嫺蒐狩遵王制  
夢叶熊羆合御圍七校騰驤誇虎旅三驅指顧視龍旂  
弓彎明月垂金勒人度春風動鐵衣鎧甲光疑林雪滿  
驂騑色闢嶺雲飛普天雷動鉦聲出捲地風鳴獵騎歸  
翡翠旌麾翻曉日珊瑚鞭影入斜暉玉盤晚進黃羊熟  
金彈新開白兔肥盛代豐岐皆宿將清時頗牧在彤闈  
選徒自昔聞蒐乘治外當今賦采薇常藉羽干昭

聖德還將戈楯耀



天威儒臣載筆慙謳誦緯武經文歷代稀

賜宴

瀛臺迎薰亭紀

恩

陳廷敬

右掖南薰水殿涼

宸遊此日命瑤觴宜春小苑通平樂太液神池接建章  
金瑣北連馳道合銀河西繞禁垣長依稀晝漏傳鳩鵲  
宛轉霓旌下鳳凰映曉紅蕖難辨影迴風碧落只聞香

已同葵葉傾朝日不與春華競艷芳山雜夏雲峰四起  
林含時雨樹千行仙查迥拂滄溟外錦石曾支日月傍  
雁沼芙蓉開別館龍樓花萼集諸王公卿渥澤來丹陛  
侍從殊榮值玉堂宵旰至今勞

聖主拜颺從此見明良移將綵仗趨長樂不待簫韶出  
上陽翠渚張筵雲幕濕雕盤列俎繡綃黃天杯泛露承  
仙掌寶鼎調蘭飫尚方深重

皇情同海岳逍遙

睿賞在林塘蓬萊歲月春何限魚水

君臣興未央會見

賜酺歡父老已看燕樂遍巖廊詩成宴鎬如周后曲奏  
橫汾陋漢皇

御藻昭回騰紫極詞曹翰墨侍明光清時不獻長楊賦  
此日謳歌國步康

瀛臺

賜宴紀

恩詩有序

彭孫通

皇帝踐阼之二十年七月二十一日

召滿漢諸臣五品以上及翰林科道官

賜宴於瀛臺侑幣既頒上尊是錫

溫綸疊布慰藉有加禮成復有蓮實菱藕之

賜羣臣咸醉飽而出稠載而歸感戴

皇仁淪浹肌髓臣小臣也猥以備員史官蒙被

恩澤優渥踰涯罄竭涓埃高深莫報敢循官司之掌竊

申頌禱之情敬上七言詩一首凡千有四百字為  
一百韻具述

聖天子所以勸勉臣下德意至深至厚庶宣美於今茲  
益揚休於來葉詩曰

瀛臺仙衛展

皇儀瑞靄氤氲曙色披方切忤營瞻紫極忽聞宣喚出  
彤墀濫竽執簡慚官守錫宴承筐荷

主慈是日山河殊爽塏神州景物正恬熙飛葭玉琯仙

颺應聽竹金門素律移殘暑回涼晞湛露薄雲籠曉漏  
朝曦共欣下濟光明會並命來游陟覽時西極嗟我銀  
作榜北溟潏沆壁為池麗城迫接朱霞表複道斜縈淥  
水湄太液中開波浩蕩繚垣遙屬路逶迤芳荃橈傍圓  
沙駐彩鷁舟從曲岸檣欵爾乘槎疑近斗偶然泛海欲  
排碕雙丸吐納陰陽剖萬象溟濛宇宙彌似有河源千  
里注更無地軸九垓垂稍窮津渫舒孤眺漸近川原辨  
四維輕輶隨流汭復泝清暉入抱憺相怡白蘋嫋嫋瀟

湘渚翠荇叢叢雁驚陂百尺修緡塞瑋瑁一奩明鏡拭  
琉璃練江不動纖蘿影珠浦長涵片月姿鼓柁重教緣  
莢亂疏渠別為貯瀾漪頗饒菰蔣紛漂泳最好芙蓉靜  
旖旎嫵質雅堪香霧耀靚粧微向午風歌瑤翰競弄沈  
浮態瓊翮留棲婀娜枝戲葉喁喁騰錦鬣巢莖往往躍  
蒼龜舊傳閬苑應非幻親到釣天却自疑便擬凌霄聽  
廣樂安希刷羽漸高遶丹梯黛壁環相映紺宇紅亭恍  
在斯鉤盾田塍原綺錯建章宮觀恰星槁樓迎灝氣融

銅掌殿倚晴空敞繡楣綈幔徐褰翔鳳咏畫橋平偃宛  
虹簪槐陰結蓋茗茗立蘭氣生襟細細吹佳卉芊綿青  
簾歷層嵐縹緲碧屢屐景移枯柏娛澄旭籟發松篁韻  
遠颺是處祥烟浮藻井數行綠樹隱罍罍當軒始蒸煎  
螺篆遣仗初收拂霓旗文圓何妨來雉兔堯階仍未剪  
茅茨因無關政封章少為有元音刺漏遲倚佩尚思求  
共理揮絃猶復致疇咨

聖朝不隔堂廉義



天語猶申慰勉詞  
鎔埴由來歸大冶  
恪恭咸此賴

洪施合樽旋

召華裾集束帛  
驚看

寵賚隨八繭  
新繅三就采  
七襄舊紵五總絲  
比聞王化  
追覃葛盡斤穰  
裝曳薄絕況遇

至尊凝黻纘  
僅教致美在宗彝  
弋綈自御班  
朝服織貝  
偏充好用資  
彌覺

皇仁被體重  
敢渝臣節上  
衡持蓆衣  
遂得蒙安燠  
旅食

還當示等衰坐接孤卿交履舄人偕伯仲和堦簾蕙纈  
暫解何容裔艾綬爭懸倍陸離小藉柔氈羅席几半拈  
弱錫就盤匱宰夫飭具羞鉶豆酒正程材薦醴醢炊出  
雕胡光可鑑漉來粃粒滑於飴饌行鷺炙薌薰品羹芼  
尊苴草木滋糝入茱萸名上醬齊成芍藥作凝脂洩宣  
辛烈需椒桂雕鏤廡深視鼎鼐自是烹人調水火非闕  
肉吏別澠淄再逢列簞供蕢實適值司蠹授縹瓷會見  
繁昌徵物產并將恭儉訓官師赤心先餉重針棗雅操

誰當釘座黎的爍珍苞飲秀液繽紛碩果挹寒澌分甘  
乍喜身多幸佐飲真令樂不支蒲阪桑醪攢琥珀鄴湖  
芝醞潑醑醺漫勞膳士酬加解

特遣親臣勸滕卮執法詎須憂豸史屬車寧必羨鳴夷  
滌煩頓釋相如渴沈陸堪忘曼倩饑欲對酒鎗成螺羸  
劇憐茗椀瑩蛟螭龍團乳暖春盈握雀舌香濃雪滿匙  
酣洽可無吟蟋蟀低徊又見薄崦嵫侵尋執燭防情溢  
偃僂循墻屢職思卜晝禮成皆醉飽自公辭退又將貽

析醒諸蔗徒虛語消食檳榔亦謾辭荷本貞姜芡未沫  
薏尤清苦涅難緇咀餐菱藕能蘇肺凜冽冰霜直沁脾  
豈意枯腸嘗禁臠他年饑吻厭園葵樵蘇不爨應休理  
鮭菜長貧庾杲之說餅曾聞思糗餌獻鮮空詫想腴鱖  
賓筵幸覩士林盛俊味還探丙穴奇折俎也知

恩獨厚加遽竊恐分非宜祇慚管蒯孤生賤猥受圭璋  
特達知歸院幾經花底度戴天私作管中窺德逾軒昊  
猶謙抑澤覆垓垓盆滲漓勒岱銘嵩升懿烈覲文揚武

際昌期

兩宮尊養無疆慶貳體元良有穀貽夙夜常存惟道岸  
暄寒不輟是經帷

躬修渾器符乾曜

手纂輿圖奠地祇巡幸只緣親稼穡菑苗端為肄熊羆  
象輶早已輸琛賁印符俄看下杖筆歲值雞竿疏訟獄  
時懸豹簾採箴規商霖每應桑林禱淇竹奚煩瓠子祠  
蠲賦恩稠仍賑廩賜酺詔下更行糜勤民喜見豐年屢

招隱欣將好爵縻上相謀謨咸緝亮庶司攜僕各委蛇  
璇穹恍惚來儲祉宣室從容坐受釐景況昭回神合契  
宸居肅穆治無為太平時節多閒暇交泰

君臣有燕私靈沼笙鏞同樂宣卷阿車馬盡閑馳惠沾  
翔泳初何限潤及區萌詎有涯絕勝壺觴修洛禊陋他  
簫鼓祀汾睢嘉魚賦叶宗邱詠鳴鹿重賡小雅詩願被  
六英颺盛事長歌七德輦洪基

恭頌

萬壽詩

宗 華

萬年

天子太平春大衍欣逢協洽辰  
表裏山河真孔固升恒  
日月自常新虹流華渚先徵兆  
電繞樞星早降神有命  
自天皇建極無為而治俗還醇  
從來十有歌君子自古  
三多祝

聖人虞夏商周開壽域東南西朔轉洪鈞  
赤符握後雍  
熙奏青簡書來美善陳歷服無疆能纘

祖孝思不匱在尊

親寢門綵舞龍樓夕閤苑萱舒鳳輦晨

慈聖貽謀傳永永

元良垂裕慶振振桂宮言動聞詩禮  
鶴禁溫恭慎笑顰  
丕顯丕承師不遠重輝重潤瑞相因  
克昌厥後金枝衍  
則百斯男

寶訓諄親睦平章光上下疇咨吁  
弗敬臣鄰春秋絃誦  
敦庠序



郊廟馨香潔祀裡刑省三千執法簡條頒十六教民淳  
官方考績徵龔遂輿論優賢借寇恂無黨無偏遵路直  
有馮有翼弼謨詵緬思三葉千天紀遂發千騶動地塵  
迅轉秦車馳暢轂大鳴越鼓扣金鐔

王師聲罪清淵數大將臨戎掃棘榛韞韐未嘗瞻至洛  
黍苗先已慰來邠星旗耀日全吞蜀霜戟凌風直到閩  
箭射六麋飛電刷軍摧九虎疾雷震西開轍道綏蠻徼  
南闢梨關奠海濬銅柱珠崖齊向化龍湖象郡悉來賓

鐵橋已立韋臯壘玉斧還通莊蹻津紫蓋黃旗降已晚  
青絲白馬悔何悛走林盡竄昆陽象營窟全除東郭貌  
況附臺灣收島嶼也隨職貢達江岷敷天共服

皇猷壯羣帥能欽

廟略遵何意狼烟明絕塞又煩

鸞輅出重閨桃花露拂朱旗染楊柳風牽

翠葆綬

三駕陰山奔駿虎一臨瀚海伏窮鱗詎哀荊旅淹三載

祇格苗碩逮七旬西賁南琛紛躋躋梯山航海互踳踳  
象胥誰敢不來享

龍德方知自有真天不階升高莫並地非尺度遠無垠  
堂廡雖肅猶三接衽席能安及八賁有此武功何赫赫  
矢其文德更彬彬日新學問居無逸

天縱聰明聖莫倫火照青藜宵不夜珠探赤水旦方寅  
左繩右矩提躬密玉振金聲履道純六藝精微尊曲阜  
五經同異析成均每嘉文學如游夏更飭儒修判孟荀

孝秀書升羅俊髦圭璋特達黜器器乾乾終日

宵衣屢矻矻窮年

旰食頻赤縣有儲常豫積蒼生無告輒周詢省方裒對  
臨吳越輯瑞懷柔蒞晉秦賜復普天

恩蕩蕩蠲租率土室溱溱肯寬棘木春鷹化仁沛桑田  
野雉馴已貯常平供大賚復留轉漕勸吹豳連年徐泗  
衝波亟五載淮揚賑廩勻南畝百千羣貸粟西江十萬  
遠輸困澤飛鴻雁人安堵吏牧牛羊農樂畝寅畏治民

齊太戊普施利物婉高辛闕譏未作通平準稅恤商車  
不算緡采菲受言因止輦懸鞞聞善即書紳

萬幾多暇奎章煥二酉餘閒

睿製伸雲漢昭回文濯錦蛟龍飛舞筆鈎銀詩如雅頌  
饒溫厚書使鍾王失寶珍更切隨刊乘橈樺常勤咨警  
渙絲綸桑乾鑿岸狂瀾橫瓠子衝隄故道堙鐵鎖支祁  
齊下竹壁沈河伯捷捷新渠成燕趙神為助水滙淮黃  
績不泯草木知春先望幸梅花如雪又

時巡汾陰寶鼎輕沙礫成紀黃龍比蛭螾豈若

皇心安海宇轉忘

帝力奠河濱去年全免江東賦今歲除征皖右民應見  
虞廷儀鸞鸞會覘文囿舞麒麟南山翠色長蟠嶽北極  
瑤光自照旻四十二年

恩愈渥千三百載美誰臻俯慙門胄叨餘蔭竊附青雲  
早致身鼎定乾坤歸一統任參調變寵先臣螭頭交戟  
鴈班侍豹尾隨車虬漏遂報國愚忠蒙鑒拔居官曲謹

仰陶甄濫竽旄節躋榮膺攬轡封疆事拊循未及鄭莊  
能薦士僅如庾亮不私姻深慚懷抱褒清朗寔愧誠民  
獎惠仁已際時雍收棫樸尚圖歲晚勵松筠都忘柳質  
因霜悴惟矢葵心向日申駑鈍豈追千里馬品題空負  
九方歎幸逢春日歌魚藻敢托秋風想鱣尊但以鄉行  
堪授杖或邀

國典許懸輪天高地厚銘丹悃海晏河清頌

紫宸三萬二千成一歲微臣長願戴靈椿

聖武遠揚青海平定詩

徐葆光

皇威遠播八荒遙青海微塵已盡銷舉族就擒惟一戰  
飛章奏捷只崇朝

睿謀制勝成功速英武安邊振古超式纘皇圖臨萬國  
丕承

祖烈被三苗煌煌遠略恢西藏赫赫雄師截外徼葱嶺  
懸車行冒雪鹽池飛渡索為橋保全善類收餘燼掃淨  
遊氛絕細么



御碣鴻文長鎮國安床佛子乍垂髫邊開遞頓連星海  
火報平安上沕寥叢爾蟻封猶內屬蠢茲蠆尾乃輕搖  
恩加先世非常渥爵授新封越次邀月賜朱提增廩秩  
歲加章服累金貂韞邊飽後鷹先掣轅下鞭稀駑亦驕  
隱匿屢彰容洗濯微勞不棄錄芻蕘竟忘

聖德如天覆忽騁窮邊作犬彘醜類鳴張徒取戮流言  
簧鼓遽成詖八家狐黨原同惡餘部株連却被要何物  
蜚蜚偏弄電無端羊角驟揚颺盜兵寸壤橫藏險蠶食

鄰封幾見剽石峽一門通屬國金城五郡領嫖姚  
早練防秋卒塞外尤嚴擊夜刁士養三年皆宿飽  
騎團萬隊盡成驍前鋒技勇能擒豹都尉頭銜總  
落鵬八陣整來停似嶽六花變處湧成潮明駝嗅  
地知泉脉牧馬歸營識夜標畊作連屯均讓畔  
新茭棲畝共分樵枕戈待釁心咸奮超距爭先氣  
更趨推轂元戎親按部誓師新令更頒條遠巡  
斥堠排亭鄣近固邊陲壯麗譙堅壁制人常重  
閉羸形示敵不輕佻狡馬思逞惟爭利條爾

來侵若就梟鎮海堡邊池鴨鶩青唐城外寇塵囂

天兵欲合旌旗閃神礮將轟砂礫飄金鼓一鳴齊耀甲  
鉤環萬馬互連鑣懼誅抱首憐窮鼠吞刃號空慘沸蜩  
既在圍中徒決驟已遊釜底尚驚跳螭屯只與三驅盡  
莽伏咸憑一炬燒黑水岸傍雲漠漠白龍堆下草蕭蕭  
六師聲討惟誅宛一箭飛書便下聊面縛軍門形蹙縮  
膽寒釁鼓語啁噍指天悔過心難剖刑馬重盟福再慄  
都護尚需留鄭吉援兵誓不借張喬迫從黨羽心皆革

敗北渠魁罪更昭有惡務須除類盡不疑何待卜龜焦  
軍中羆虎推韓范閫內韜鈴運賈鼂寇穴須尋虛處擣  
敵形貴向勝前料

宸謨素秉先幾斷將略常稱馭衆調遂選銳師專用勦  
徑申

天討不須招一朝徧慰雲霓望萬帳將成風雨漂虎跡  
可尋巢易即冰城欲壞水難澆積薪斡以將然火危卵  
嬉安未折茗鐵騎星馳半捲潛軍晦合月方朏閭中

搖足投機寔夢裡驚雷觸電慄慄伏受擒收一一窮奔  
走嶮逐儻儻雲中矯翼皆遭網木末飛猱亦見撩俘及  
二毛梟有母誅無噍類孽方齧比肩戢戢將膏斧纓項  
累累盡曳影元惡自知終授首逋誅敢望尚全腰普天  
逃罪原無地白日羞形且遁宵自比四凶投昊北竟成  
一脚走夔魑焚巢窮鳥歸無所乞食遊魂鬼亦枵殘鶻  
飢烏來啄啄荒庭叫雁去嘹嘹虺除餘落皆安枕彗掃  
長空永絕妖蜚徧草青時澤澤風行日入處迢迢天開

神井膏常溢地過王師木不凋磧上收軍同浩瀚山邊  
卸甲並嶢嶢矢無遺鏃班師樂鏡有新聲載路遙旗外  
白翎驚鼓吹軍中朱鷺叶笳簫專車檻載魑無魅歸騎  
鞍捎驚與鷄絕幕輕齎還累累浹旬振旅尚庶畜量  
谷後分千足酒湧泉中酌萬瓢柳塞馬歸青乍放天山  
弓掛雪初消

山陵方謁聞三捷露布遙傳示百僚吉語恰逢宣祝版  
馨聞正值奠蘭椒蕩平朔漠揚

前烈昭告西藩復舊徭謙德難名還覆載功成歸美獻  
宗祧勞還有禮

恩斯遍慶澤無私賞更饒廿萬帑金開內藏上公爵命  
走輕輶榮親厚錫頒天錦

賜答溫綸滿御綃咨汝莫辭優寵異知卿能保令名劬  
功從采芑詩中叙畫待凌烟閣上描儆戒無虞惟稷契  
修和有夏在顛天止戈大武除三孽伐罪餘威振八遼  
伊里黠酋雖遠伏玉闕欵使已來朝側窺

雲日顏先汗駭看魚龍舌盡橋九陌香衢迷錦樹三層  
阿閣眴䟽寮井蛙到海方知大螳臂當車敢再憐定向  
條支求甕卵佇從弱水貢文鯨七旬干羽同虞舜四表  
光華協帝堯志廣職方編澤藪圖成王會列焦僥虎賁  
帶下龍泉脫神臂寂中玉靶昭誕告武成追版涿久宣  
文德象咸韶官箴並飭工無曠

聖訓重宣民不佻在野白茅連茹拔中田維莠帶根穠  
賓興大典弘開榜耕藉三推



親把鉞龍窟雲油隨鹵簿竹宮神火應燔燎孔門溯本  
先尊聖魯頌懷音已集鶚果見獻囚歸泮壁旋聞燕捷  
踰昆瑤八方環拱瞻辰極萬古衡平正斗杓此日禮成  
齊拜舞

天顏有喜仰重霄

賦得山雞舞鏡

七言排律十  
二韻得山字

劉綸

山禽自是饒珍致舞入銀華意更閒乍啟雕籠驚的爍  
旋開寶匣訝璘玕空明仿佛寒潭上來往依稀夕照間

顧影未須憐刷羽窺奩何計憶棲山風翻錦翼纔飄袂  
日映花冠却整鬟赴節婆娑矜獨立回身綽約喜雙攀  
空花蹴處簷枝亞虛翠交時砌蘚斑似擬投林齊戢戢  
可能對語便闌闌雲迴雉尾還呈態月轉螭頭尚照顏  
如許攬輝依

鳳闌定教接翅起鴈班山梁縱說棲遲好畫檻寧辭飲  
啄慳

冰鑑倘容長耀采微翎雖倦豈知還

賦得山雞舞鏡

七言排律十  
二韵得山字

于振

明眸翠羽出荆山影入菱花借好顏似逐驚鴻來復去  
却疑翔燕往仍還娉婷迴雪誠多態綽約凌雲本夙嫻  
璧月正圓墻皎潔錦衣乍展更嫵爛光分漢殿如垂手  
照比秦庭欲擁鬟黃鳥隔林徒睨睨青禽拂樹自緜蠻  
能言鸚鵡容為伴息翼鷦鷯未許攀倘為酬

恩聊顧印若緣報

德願啣環微軀敢側駕凰隊陋質羞隨鸞鳳班不愛稻

梁謀既拙止依枳棘分寧慳心懷故里思空切擬沐新  
容意亦閒

聖世露濃霑庶類來儀猶得覲

天闕

賦得山雞舞鏡

七言排律十  
二韻得山字

汪士鋐

焜煌文羽澤深山照映高堂明鏡間五色翠光搖碧檻  
雙飛綵翅出仙裳菱花開處霞章麗鸞架張來繡紱環  
溪上誰為圖錦綺臺前自愛好容顏揚翹赴節高隨下

舒翼周規往復還日映盤龍依絳幘風迴舞鳳妥青綸  
形分一水盈盈隔隊憶層岡渺渺灣整暇原同鷓鴣序  
翱翔不共鶴鷗閒雲移宮扇臨丹地華繪天衣射紫闥  
振迅芳崖曾照耀歲蕤雕砌更端爛空中藻並登場艷  
象外文騰滿目班物色總歸

宸鑒遠九苞騫采願追攀

賦得山雞舞鏡

七言排律十  
二韵得山字

齊召南

虞羅遠致珍禽集羈客難窺舞態嫺明鏡巧懸光照灼

麗容驚睹錦斑斕似臨曲澗澄空翠却忘雕籠認故山  
文耀彩鸞歡並翥冷嫵獨竊興偏慳凝眸顧步軒仍輕  
妬貌舒衿往復還節應桑林呈合變工同榆曲度悠閒  
銅臺曉日翔觚爵洛浦凌波響佩環嘯侶命儔猜孰是  
分軀共景繪應艱閨人袷服休垂手座客華裾笑解顏  
共訝迴風生羽翮早傳奇采動江關形圖月殿清虛界  
影入銀河碧落間好趁賓鴻來

聖代高攀儀鳳出塵寰

賦得山雞舞鏡

七言排律十  
二韵得山字

杭世駿

誰將翠羽出花闌  
朗對青銅意態閒  
寶匣舊含輝皎潔  
雕籠新照翅迴環  
錦衣未必輸文綬  
金爪何勞習玉環  
閨苑不棲春晏樹  
蒼苔猶印雨餘斑  
乍窺宛轉霓裳拂  
作對蹁躚紫燕翹  
尾影疑宮扇合舉  
頭光訝翠裘  
鸞晴舒繡臆空中見  
風刷疎翎望裏還  
啼處祇憐交頸好  
看場誰惜折腰艱  
劇知意愜關生動  
直愛身輕似轉圜  
飲啄久甘依麥隴  
飛翔何幸近蓬山  
已歸朗曜初呈技

宣假清溪始照顏

紫禁若容聆雅奏九苞隨仗願躋攀

賦得山雞舞鏡

七言排律十  
二韻得山字

沈廷芳

文禽振羽出名山喜對菱花妙舞嫺皓魄乍開光熠燿  
綺霞初映色斑斕標奇蓬集兼雲繞動影風來復雨還  
火齊承冠分角睽錦帷張翼鬪花鬢嬌姿長煥文明會  
逸態橫生意象間五采彰施呈瑞質雙翹瑤耀啟朱顏  
妍超靈鵲乘圓月捷異馴鷗傍碧灣漫憶林泉矜耿介



自知毛羽最鮮殷  
驚臺漸近休迴步  
驚序非遙欲就班  
得接清輝明炯炯  
詎偕凡鳥轉關關  
越裳翡翠應相並  
袞服山龍擬共攀  
見說

彤廷時飲啄  
更看儀鳳徧瀛寰

賦得良玉比君子

七言排律十  
二韵得來字

萬松齡

聖代欣逢人瑞出  
遠方仍貢物華來  
崑岡靈質千年蘊  
瀚海榮光萬里開  
炯炯冰心偏皎潔  
熊熊虹氣更昭回  
懷中璞已經雕琢  
席上珍方待鑒裁  
自信圭璋宜特達

爭傳瑚璉是良材  
晶瑩瑜采潛生暖  
的皪瓊姿迥辟埃  
清廟聲堪諧磬管  
齋房食可佐鹽梅  
秦風比德思君子  
陸圃儲文屬俊才  
憶釣周璜從渭水  
寧藏燕石在梧臺  
帝廷琮璧朝羣后  
王會共球輯九垓  
地湧璇源通太液  
天滋琪樹繞蓬萊  
鏘鳴

鳳闕冠裳集百道  
祥光護上台

賦得良玉比君子

七言排律十  
二韵得來字

朱荃

美質由來羞自銜  
荆山良璞為誰開  
湮埋詎屑同珉石

剖琢何妨出草萊祇有純儒堪比德但須巧匠與呈材  
磨礲不遺留餘類拂拭從教絕點埃性稟堅貞凌水碧  
姿含溫潤勝瓊瑰加功每得他山助待價時憑賈客猜  
將命登朝先束帛薦馨告廟並樽罍年深楮葉雕初就  
品重連城換未來藏處定應函黼匣賜時元合在金臺  
如虹氣蚤縈霄漢照夜光看燭上台自信持身同拱壁  
也知考器似掄才玉工若向

明廷獻願作南山萬壽杯

賦得良玉比君子

七言排律十  
二韵得來字

張漢

昆侖縣圃積崔嵬抱璞人看出草萊比玉原知君子貴  
執圭喜覲

帝廷來精神共指山川見追琢還需匠石裁要使光輝  
常照耀能消瑕玷未嫌猜不貪有道歸吾寶欲賈無端  
恥自媒信與琮璜徵瑞應潔同冰雪淨塵埃價高本是  
豐年物品重旋登

聖世才亦檢封泥供

璽印黃流煮鬯注螭杯  
惠成溫潤無能栗質許  
堅貞定不回青瑣佩  
搖蒼水動白虹影貫  
碧天開衡齊星象資  
璿飾樂止金聲作磬  
材席上有珍嘗待聘  
賜環感荷遂趨陪

賦得薰風自南來

七言排律十  
二韵得來字

陳大受

畫景舒長仁宇廣薰風  
披拂日邊來

垂衣南面開清韵  
解愠中天仰

睿裁但覺冲融彌大地  
最宜煦嫗被羣材  
悠揚玉殿聲

初起蕩漾水簾影乍開條度青蘋看綺縠俄經綠蕙繞  
芳萎爐煙細細飄羅幙宮樹陰陰颭綠苔共向離明資  
發育頻申

巽命荷滋培銅烏漫轉

龍墀靜羽幘紛從鳳扇迴指上絲桐歸長養望中雲漢  
共昭回詎闕箕伯能宣滯自是

重華為阜財暖氣襲人期五日庥徵應律協三台太和  
宇宙今親見願扇祥風徧九垓

賦得薰風自南來

七言排律十  
二韻得來字

趙大鯨

日月光華泰運開  
南訛應律協恢台  
正逢永晝瑤堦肅  
恰喜薰風

玉殿來爽氣  
乍從朱網度微涼  
潛拂綺疏迴  
飛飛靜覺  
銅烏轉隱隱  
遙隨蓮漏催  
長養自能滋庶彙  
暄和應得  
達芳荻清音  
向午傳

丹籞嘉蔭凌空散  
綠槐花影入簾浮  
淑靄墨香縈几絕  
纖埃虞琴雅奏期  
從欲帝治時  
雍叶阜財暗起  
青蘋敷

偃草還呼澍雨殷  
輕雷離明煦  
嫗飄三島巽位流行被  
八垓五日聖時調玉燭

九重佳氣繞蓬萊

微臣

竊幸依光近樂育均叨

聖澤培

賦得薰風自南來

七言排律十  
二韵得來字

張映辰

炎精應候方司令無限祥飈

紫禁開位列祝融  
居火宅星標鶉首自南來  
微傳林杪紛披至細逐  
爐煙次第催著物如熏  
真煦嫗時風曰聖



好栽培鳴條共覺千家靜從律應教五日回高轉金莖  
何縹緲虛飄玉砌尚低徊遙從天上分清籟吹落人寰  
絕點埃最喜雲生當戶牖有時雨過長莓苔歌賡

帝世徵交泰化洽虞弦樂阜財鈴索宵懸聞闐苑觚稜  
曉起拂銅臺由來澹蕩

恩如許未必吹噓棄不才侍從竊叨長自愧敢言流韻  
繼鄒枚

皇清文頴卷九十五